

## КОМИ РЕСПУБЛИКАСА КОМИ КЫВ КОМИССИЯЛӨН

2011 вося ода-кора төлысь 20 лун

16 №-а

### СЁРНИГИЖӨД

**Волісны:** Марков В.П., Козулина С.Г., Безносикова Л.М., Бутырева Г.В.,  
Коснырева Е.Г., Макарова Н.Д., Попова Н.А.,

**Видлалісны да шуисны:**

1. Төлысь нимъяс роч кыв вылысь вуджөдігөн коми кывйөн гижны «төлысь» кыв пасйөмөн, шуам: март – рака төлысь, апрель – косму төлысь.

2. Коми Республикаса Оланподулысь 85 - 87 (п.3) статьяяс видлалөм да сөгласуйтөм.

#### 85 статья

Коми Республикаса Юралысь аслас уджмогыяс серти Россия Федерацияса Оланподув, федеральной оланпасьяс, Россия Федерацияса мукөд нормативной правовой акт, Коми Республикаса Оланподув, Коми Республикаса оланпасьяс да Коми Республикаса мукөд нормативной инода акт вылө мыджсьөмөн да найөс збыльмөдөм могысь лэдзө индөдыяс да тшөктөмьяс, кодьясөс быть колө пöртны олөмö Коми Республика пасьтала.

#### 86 статья

Коми Республикаса Юралысьлөн уджмогыяс помассьöны тайö Оланподулөн индөм кадколаст бöрын.

(медводдза юкöныс 2005.05.17 лунся 47-РЗ №-а КР Оланпаслөн редакцияын)

Коми Республикаса Юралысьлөн уджмогыяс кадысь водз дугöдсьöны:

1) сылөн кувсьöм бöрын;

2) Россия Федерацияса Президентөн сійөс чинысь вештөм бöрын Коми Республикаса Каналан Сöветөн сылы эскытöмлун петкөдлөмкөд йитöдын;

(2 п. 2005.05.17 лунся 47-РЗ №-а КР Оланпаслөн редакцияын)

3) ас көсйөмөн уджысь эновтчөмкөд йитöдын;

4) Россия Федерацияса Президентөн сійөс чинысь вештөм бöрын Россия Федерацияса Президентлысь эскөмлун воштөмкөд йитöдын, ассьыс могьяссьö

колананог олөмө пöрттöмьсь, а сідзжө мукöддырйи, кызди индöма федеральнöй оланпасөн;

(4 п. 2005.05.17 лунся 47-РЗ №-а КР Оланпаслөн редакцияын)

5) ёрд кө шуис сійөс кывкутны вермытöмөн либö мыйтакö кывкутны вермытöмөн;

6) ёрд кө шуис сійөс юөртөг вошöмөн либö кувсьöмөн;

7) кор оланпас серти вынсялö сійөс мыждөм йылысь ёрдшуөм;

8) Россия Федерацияысь пыр олөм вылö мунөм бöрын;

9) Россия Федерациялысь гражданство сыөн воштöм бöрын, сыөн суйöрсайса канмулысь гражданство босьтöм бöрын либö олөм вылö кабала босьтöм бöрын либö Россия Федерацияса гражданинөн суйöрсайса канмуын пыр олөм вылö инöд эскöдысь мөд сикас кабала босьтöм бöрын;

(2006.11.20 лунся 114-РЗ №-а КР Оланпаслөн редакцияын)

10) киритöма. - 2005.05.17 лунся 47-РЗ №-а КР Оланпас.

Коми Республикаса Юралысьлысь уджмогъяс кадысь водз дугöдөм йылысь помшуөм вынсьöдö Коми Республикаса Каналан Сöвет Россия Федерацияса Президентлөн вöзйөм серти, тайö статьяса мөд юкөнлөн 1 - 4 пунктъясын пасйөмтор кындзи.

(2005.05.17 лунся 47-РЗ №-а; 2007.05.08 лунся 35-РЗ №-а; 2009.09.30 лунся 81-РЗ №-а КР Оланпасъяслөн редакцияын)

### **86(1) статья**

(пыртöма 2005.05.17 лунся 47-РЗ №-а РК Оланпасөн)

Коми Республикаса Юралысьлысь могъяс недыр кадколастö збыльмöдысьöс индö Россия Федерацияса Президент сэтчöдз, кытчöдз оз босьтчы чинö морт, кодлы сетöма пöртны олөмө Коми Республикаса Юралысьлысь уджмогъяс, федеральнöй оланпастэчасөн индөм да пöрадок серти.

(медводдза юкөныс 2009.09.30 лунся 81-РЗ №-а КР Оланпаслөн редакцияын)

Коми Республикаса Юралысьлысь могъяс недыр кадколастö збыльмöдысь абу инöда дугöдны Коми Республикаса Каналан Сöветлысь уджсö, пыртны Коми Республикаса Оланподув вежөм да (либö) содтöм йылысь вöзйөмъяс.

### 87 статья

Коми Республикаса Каналан Сöвет вермö петкöдлыны инöд серти эскытöмлун Коми Республикаса Юралысьлы сэк, кор:

1) сийö йöзöдö актъяс, кодъяс мунöны паньд Россия Федерацияса Оланподувлы, федеральнöй оланпасъяслы, Коми Республикаса Оланподувлы да Коми Республикаса оланпасъяслы, татшöм лöсъявтöмторъяссö кö индiс колана ёрд, а Коми Республикаса Юралысь ёрдлөн помшүөм вынö пыран лунсянь тöлысь чöжөн эз бырöд индöм лöсъявтöмторъяссö;

2) колана ёрдөн эрдöдöма Россия Федерацияса Оланподув, федеральнöй оланпасъяс, Россия Федерацияса Президентлысь индöдъяс, Россия Федерацияса Вескöдлан котырлысь шүөмъяс, Коми Республикаса Оланподув да Коми Республикаса оланпасъяс мукöд сикас ёна торкалöм, та вöсна кö унаысь лои торкöма гражданысь инöдъяс да вöля;

(2003.12.01 лунся 72-РЗ №-а КР Оланпаслөн редакцияын)

3) Коми Республикаса Юралысь ассьыс могъяссö оз колананог пöрт олöмö.

(3 п. пыртöма 2005.05.17 лунся 47-РЗ №-а КР Оланпасөн)

Коми Республикаса Каналан Сöветлөн Коми Республикаса Юралысьлы эскытöмлун йылысь помшүөм лоö вынсьöдöмаөн индöм депутат лыдысь кык коймöд юкөн гөлöсөн, водзмöстчö кö индöм депутат лыдысь этша вылö коймöд юкöныс.

Комиссияөн веськöдлысь

В.П.Марков

Комиссияөн веськöдлысьöс вежысь

С.Г.Козулина

Кывкутысь секретар

Е.Г.Коснырева